

Visoki predstavnik se sastao sa predsjednikom Generalne skupštine UN-a Miroslavom Lajčákom



Visoki predstavnik Valentin Inzko jučer se sastao sa predsjednikom Generalne skupštine UN-a Miroslavom Lajčákom, te su razgovarali o situaciji u Bosni i Hercegovini.

„Lideri na svim stranama u Bosni i Hercegovini su se obavezali da će biti predani zajedničkoj viziji EU integracija, te da će raditi na postizanju statusa zemlje-kandidata za članstvo u EU što je prije moguće. Međutim, napredak u ekonomskim i političkim reformama je znatno usporen, a nacionalizam koji sije razdor, te učestala osporavanja Mirovnog sporazuma i institucionalnog ustrojstva koje je taj sporazum uspostavio, prijete da odvedu zemlju u pogrešnom smjeru,“ rekao je visoki predstavnik Inzko.

Visoki predstavnik je također spomenuo zabrinjavajući trend nepoštivanja vladavine prava, kao i neophodnost rješavanja problema korupcije i nepotizma. „Zbog tih problema toliko mladih ljudi bira da napusti BiH i traži bolji život negdje drugo. Međunarodna zajednica treba da se snažnije angažira, posebno kada je u pitanju vladavina prava, a naročito u borbi protiv korupcije.“

Visoki predstavnik je čestitao Lajčáku na izboru za

predsjednika Generalne skupštine, te je iskoristio priliku da mu zahvali na njegovom stalmnom doprinosu evroatlantskom putu Bosne i Hercegovine.